

人物志

應官三

明周統 劉桐 鄭賢 羅倫 彭龍

徐穆 郭德 周晉 歐陽詰

羅住 羅羅 羅紘 傑 劉昭

羅恒 胡汝燭 羅善 銳 王金

李勳 劉會 曾直 循 羅璞

劉質 位 蕭 挺 李珪

張致 劉 唐 任 真 日公亮

劉 劉 劉 李 籍 劉 泉

劉 劉 劉 化 彭 磐

劉 劉 劉 龍 光

劉 劉 劉 王 貞吉

劉 劉 劉 劉 道

劉 劉 劉 劉 相

劉 劉 劉 劉 相

劉 劉 劉 劉 相

劉 劉 劉 劉 相

劉 劉 劉 劉 相

劉 劉 劉 劉 相

劉 劉 劉 劉 相

歐陽烈 王如瓚 周子恭 周賢宣 郭宏德

劉錫 胡堯時 劉文紹 蕭文清 龍遂

鍾組 朱 樞 王育仁 胡水成 莫揚

蕭樟 張啟元 王宗尹 劉則唐 胡文宗

陳慶 吳水鳳 聶 靜 伍 典 張 秋

王汝辰 劉欽命 蕭 敷 蕭玄魯 趙 格

王上俊 楊 海 劉尙平 易 寬 王學孔

劉汝初 周 奎 劉天兌 李 琳

郭鼎忠 郭春震 劉應興 羅 貞

謝應嶽 王一夔 李 棟 賀 沂

附名 劉禹謨 彭應時 胡思化 李 衡

張幼植 李 蘊 張 鐘 湯瑞棠 周 憲

劉思瑜 萬一貫 張 靈 劉應雷 劉 肇

羅正新 尹學孔 蕭 基 王德新 廖 毅

朱維京 蕭象烈 龍遇奇 劉朝聖 賀康載

劉淑唐 伍惟善 康元穗 楊嘉祥 蕭廷對

龍文明 甘 雨 龍補袞 楊寅秋 劉冠南

謝始亨 曾 皋 羅大紘 張忠弼 趙善鳴

蕭 椿 胡接輝 李一鳳 劉士登 蕭學儼

蕭崇儀 劉雲龍 康元積 蕭可薦 郭如聞

曾 乾 曾汝召 劉應秋 曾 袞 湯瑞全

王如堅	謝時泰	曾象章	王心
劉士林	劉孔祺	周鳴	郭一鶴
會乾亨	歐陽理	李時芳	朱道相
蕭毅	蕭和鼎	周文漢	劉守誠
周日旦	梁惟正	施遂元	李尚德
曾之可	蕭鳴曉	李教	曾天允
朱士景	胡中龍	李宗容	李祖武
程人	王積燦	李長春	伍承載
鄭啟隆	黃紹杰	張祖炳	張宗曾
郭明貞	賀士昌	尹嘉顯	蕭純
周瑞豹	曾賜昌	蕭純	王宏
王華玉	王大憲	劉光震	段文炳
李邦英	李陳玉	蕭士璋	曾裕
附名	蕭宏魯	胡喬倚	附傳十人
周統字伯承	廬陵人孟申	子宏治	進士官刑曹以守正拂
司寇	意出為太平	知府益正法	束衛官衙官銜之誣以
事逮錦衣	獄尋得白	還職歸	虞志
劉桐	一作永新	人宏治	鄉舉知泰順持法嚴平聽斷明允
悉民隱	省繁費	尤加意	士類嚴斥羣小勾攝無一卒下
鄉民賴以安	通志	詳	
鄭賢字恢	才安	福人	守益父宏治進士授南京大理評事

有數條奏陞福建汀漳兵備僉事時逆瑾用事方面官率入謝賢獨不往攝二僮赴任裁省供億擒殺武平賊渠黃友勝力請歸極陳地方事宜並發瑾贓罪賜金幣所著有棘臺奏議易齋稿參通志

羅僑字維升吉水人性純靜寡嗜慾受業張元禎講學里中舉宏治十二年進士除新會知縣有惠愛正德初入為大理右評事五年四月京師旱蠶上疏曰臣聞入道理則陰陽和政事失則災沴作願陛下慎逸游屏玩好放棄小人召還舊德與在廷臣工宵旰圖治并敕法司慎守成律卽有律輕情重者亦必奏請裁決毋擅有輕重庶可上弭天變下收人心時朝士久以言為諱僑疏上自揣必死輿視待命劉瑾大怒矯中旨詰責數百言令廷臣議罪大學士李東陽力救得改原籍教職其秋瑾敗僑尋召復官引病去宸濠反王守仁起兵吉安僑首赴義世宗卽位卽家授台州知府建忠節祠祀方孝孺延布衣張尺詢民間疾苦歲時循行阡陌課農桑講明冠婚喪祭禮境內大治嘉靖二年舉行卓異都御史姚鏞上書訟僑曰人臣犯顏進諫自古為難曩八黨弄權逆瑾亂政廷臣結舌全軀自保而給事中劉蕡評事羅僑殉國忘身發摘時弊幸存餘息遭遇聖朝謂宜加獎擢用厲具臣乃僑知台州蒞知長沙使懷忠竭節之士淹於常調臣竊為朝廷惜之帝納其言擢僑廣東

空參政倫辭部牒致越不得已之官踰年遂謝病歸
敦行誼動則古人羅洪先居喪不廢講學僑以為非禮
遺書責之其峭直如此參明史案部詞源流錄儒林傳
云為詞家著語必錄謂學須寬
欲則心中無事人於一日不可
廣之使若泉達火然時東原鄭氏講學青原嘗與往來
討論學者稱
康川先生

彭龍縣志龍泉人宏治鄉舉授東昌判時馬政久敝馬戶
率多流散龍至條奏馬政五事極言俵馬賁駒均役安
民之方下其議行之

蕭乾元字必克萬安人宏治進士為御史上疏數官劉
瑾等奸狀忤旨廷杖幾死瑾誅起補建兵備命事寢建
寧軍士之變正建安厯喪之罪陞雲南副使尋引疾去

尹袞字舜章永新人宏治通志作鄉舉授壽寧知縣召父
老牖以誠作詩歌戶給之遷守綿州公署垣壞得審

金數萬其家眾勿取登記其數以當歲賦餘以葺城堞
人稱其廉

劉潮字主信安福人宏治進士授大理評事歷廣西按察
副使平賓州八寨劇盜有功先是宸濠殺長史莊典妻
子無所歸潮買地居之宸濠威制豫章道路以日或危
之潮不為動

劉子厲安福人宏治進士授嘉善知縣入為監察御史逆
瑾執柄斥不附已誣逮下獄落職瑾敗起按福建尋卒
羅欽德字允迪泰和人與弟欽忠同宏治十二年進士其

時兄欽順官翰林三羅之名隱隱在公卿間咸欲識其
為人欽德深避不欲接款遂除外任有清名中河豪猾
聞風歛跡性孝友得請歸侍父几杖依依若孺子狀其
母所製布履易質時命納諸棺以殉通志欽德忠
羅

徐穆字舜和吉水人宏治進士授翰林編修分校會試名
士多出其門充正使頒詔朝鮮穆至正迎見之儀拒饋
獻遠人畏服逆瑾惡不已附調南京兵部員外瑾誅還
職進侍讀以上

郭灌字達誠麻陵人宏治進士授刑部主事歷員外郎剛
方無所撓相兩奉詔勘大獄稱平允出知寧波府改潮
州以憂去宸濠之變王守仁召縉紳共舉勳王灌與焉
年七十六卒所著有家範傳世盧志

周魯字潛夫吉水人宏治進士授監察御史嘗拍分蘆溝
橋木雖外戚貴寵不少假借京師大雷震魯疏去冗職
罷銀礦便軍餉通路引時有以司馬遷家宰者諸道欲
言之無敢先魯笑曰言官畏言耶首署名以進後與都
御史論差法不合遂乞休去當道以風節薦竟不起通志

歐陽雲字碧溪泰和人重慶太守雍子七歲能韻語日記
數千言稍長從父之官所至輒有記述舉宏治鄉試第
一成進士初仕行人正德間官御史巡視南城中官外
戚怙寵憑陵一繩以法是時瑾勢已張雲抗直一無所

屈奉命嚴三邊糧馬陝西為瑾鄉里途中所經發為吟詠切諷時事瑾怒褫其職瑾誅復御史著有於溪集

歐陽誥字賜之泰和人宏治進士授南工部主事遷文選司郎中擢金華守有惠政會御史按部務深刻誥為辯

不應死者數人湖漢陽府首崇楚府官校奪民湖利築湖堤以資捍禦陞山東監運使子塾既登第遂致政歸

羅柱字定宇永豐人倫仲子幼以神童名宏治鄉舉授山東濱州學正訓教有方巡撫趙璜重其學行薦陞南京

國子助教弟幹字定本亦宏治鄉舉授西安教授屬清操寡交遊嘗與應天湖廣福建文衡有密以金來贈者

幹曉以義命遺之陞寧德知縣明信義簡詞訟抑豪強

吉安府志 卷二十九 人物志 廉官三 上

以賢能調潭州平和縣

羅甫字汝大永豐人宏治鄉舉授嚴州遂安知縣時瑾端

用事人爭賄以求美秩甫人觀所知諷之不從陞潭州

府判武平盜起領兵勦捕染嵐病卒所著有富山稿先

正鄉約及會編諸書

劉廷策安福人宏治進士內江知縣陞吏部主事以疾歸

為詩文簡古有奇氣字亦類之子為嘉靖間知閩福清

縣節用愛民弭盜賊興學校卒祀名宦

劉祥字持慶安福人宏治進士授工部主事改刑部尋遷

員外以監察御史按廣東劾諸司不法者無少貸出知

淮安府以事忤權璫械至京謫戍平越宥歸復起知西

安府卒於官弟祉正德進士條陳六事補兵科給事中

胡道字濟時安福人宏治進士授錢塘知縣遇事剖決如

流暇則與賢士講易疑義嘗復西湖石堰石函以蓄泄

水作漏澤園以葬死無所歸者最聞擢刑部主事

朱龍字克誠安福人宏治鄉舉授浙江瑞安知縣清介有

守權勢請託無所徇縣人卓侍郎敬死建文難首建祠

祀之以執方忤當道左遷寶慶教授勤督課重行誼以

病歸兩縣俱祀名宦兄祿鄉舉知新繁縣以文飾治尤

工於詩

劉藍安福人宏治進士陞任浙江僉事平奉豐寇賜金幣

復紹興湖水利民碑記之偶忤臺察改甲卒

劉絃字景瞻安福人宏治進士知江陰縣廉介自持守官

如寒士臨事不露聲色奸吏豪橫莫能措手鄉縣有訟

咸願聽治陞南京戶科給事中

彭杰字景俊吉水人宏治進士授南京刑部主事歷守充

州廣平真定順德四府裁決敏練吏胥無敢舞文四

川參政督餉討焚夷師捷宣慰使再儀所部縱掠且

杰論定之遷授察使陞雲南湖廣布政二省鹽法宗祿

多羨餘杰一無所取劉瑾用事郡邑多致重賂杰不應

黔國沐紹勛禮絕方岳杰與分庭相抗定侯郭勛鎮

楚潘臬不敢馳中道杰奪門而入其剛如此

劉昭字東崖廬陵人宏治進士官南刑部主事應詔求言

稱旨擢典守有能名以終養致仕宸濠反守仁起兵與知府伍文定延昭入幕參謀議宸濠伏誅昭助

力辭不受守仁貽書曰東征之役執事贊襄之人居多而絕口不肩言功豈常人所能著有東崖傳東崖忠義錄以上參

彭桓字景武吉水人宏治進士授工部主事歷陞郎中擢漳州知府別除吏弊一郡肅清外艱服除補山東州

值旱禱雨立應寇盜充斥法鋤之陞陝西左參政改雲南右參政以抗逆瑾棄官歸卒祀鄉賢廣志

胡汝礪泰和人山西大同知府適歲旱痛自修省跣足祈求大雨霑足民頌為父母雨時總戎不束其下汝礪痛

抑之大忤重臣以疾求去有冢宰奏汝礪可大用卽疾亦不可去孝宗允之仍留任廣輿記

羅善字復之安福人宏治進士歷官陝西僉事會逆瑾葬其父馬鬼坡下過者率致祭祭必以文達瑾善獨不頌而去改福建進雲南副使整飭金騰兵備當道方連章

薦獨引疾歸年九十餘卒參通志

李銳安福人宏治進士宰崇陽縣志有惠政授工部主事監蕪湖啟擢郎中忤張璠逮獄歲餘釋出守泉州州

界山海濠猾易開銳嚴威令杜請託首寘巨猾於法改岳州陞兩淮運使憲政盡剔擢廣東參政與軍中諸征

徭不合遂乞終養

王奎字休庵安福人宏治進士在江陰知縣下車雪妻氏一門獄及歸宸濠奪其才名徵不就浙見諸書

披械狀有冤代白之不告而去所著有賦成規以上

李勳字懋齋吉水人以歲貢上禮部役新野導時河南大饑流移載道令不能救勳勸捐設粥以賑又選倡優

以正風紀陞永豐王教授懷順王賢而好以上甚歡

懷順慶長子嗣不謹於喪勳為書諫且陳保國事王頗悔悟值勳丁外艱王上教授善狀誌無名而自給

半俸終喪博王十六年進准王古長史致

劉教字見川一作廬陵人嘉靖中知

奉與江陰教論遷廣平知縣擢刑部主事

府江繼母憂服闋遂不仕治廣平時審編均徭府頒其

法於所部嘗題視民如子知我者天於座隅有以多金

賄者麾而去之進諸生講良知之學在刑部貴溪分宜

柄政引避不往見巨璫子弟殺人論如法恤刑江北各

郡平反無算守梧州裁供億冗費其學無所不窺於本

朝故實尤綜核詩文冲逸夷曠類其為人與周羅山錄

陳蒙山嘉謨諸同志訂西原惜陰會都大夫勸之仕稱

疾不起參通志盧志案云通志選舉宏治戊午鄉舉

二十六年似係兩人在安福盧志案云鄉舉宏治戊午

俱同又似一人通志但立盧陵劉教一傳其載為與平

令陞刑部主事亦同所傳

官蹟皆兩縣志所本詳

曾直字叔溫吉水人宏治進士知鄞縣補新城擢工部主

事轉刑部員外署郎中事有大閣張銳者其私人馬宗以指揮違法當罷求免於直不聽銳奏誣直入大罪下法司久乃得釋引病歸起陝西司郎中都御史澤將復哈密爲中人所構下獄直判以誣忠勤大臣法在必誅土魯番復期內外以計逐直嘉靖初用薦起知寧慶府擢福建副使未任遷大理右少卿隨轉左武臣有恃寵撓法者爲御史趙鏜所劾旨下朝議直獨言罪當死數以語侵法司不署奏慶陽伯有甥張柱驕橫厥人死既伏辜法司以財移獄坐其子上月直議竟誅柱遷太僕卿致仕歸年八十餘卒

雜循字遵善善道吉水人宏治進士授南刑部主事服闋

補工部管徐州洪首罷漕米總役夫以便漕舟調兵部

武庫武庫閑局太宰許進獨與循曰吾以愧競進者陛

武選郎中逆瑾程人有已革乳母官三百人授瑾求復

循駁其不可復者五事奏竟寢擢鎮江守巨寇劉七等

薄境郭外民皆奔城指揮使閉門自守循斧局鑰納之

未幾大兵至循辦軍費狼山奏捷上其功調淮安守錄

囚釋九十餘人擢山東按察副使以母喪歸起復爲密

雲兵備鎮守太監忌循奏請省之遂罷官歸尋薦起爲

山東副使始逆瑾所善鄉人通政李憲同年也語循願

爲先容弗聽瑾敗憲且除名循載酒與別憲服其有古

人風

案道志云循罷指揮管事二十餘人劉璋怒置尚書王敏收謝日部中集爲之

安用尚書徵益聖部題易安等退避之數日

羅璞字宗溫吉水人宏治成化鄉舉授紹興府同知制

歸衛歸民二冊當道下其法於列郡知思南府平苗賊

米魯等有功擢貴州參政致仕歸

賀寬字懋教永新人宏治進士知東陽廉明慈愛教養兼

舉歲旱減膳徒跣拜時又借運鹽帑及郡倉粟以賑

報政囊橐蕭然士民交相餽贖唯取一茶時人謂曰

昔聞劉寵一錢今見只賣一茶

賀位永新人宏治鄉舉

分以周僚屬之不給

符舊志人物表作

蕭柯字升榮萬安人

厥者憚之遷陝西馬政奏奏焉之善改三歲一駒遂爲

定制巡四川兼理棘關

人而鎮撫參戎亦被糾與時大臣有縱子恣盜帑金者

即日奏免松潘賊屢殺守臣奏請征勦賊盡殲賊黔中

苗復告警奉命往設奇計破之授浙江參議將發疾作

歸所著有松鶴軒集祀鄉賢

劉挺字成卓萬安人宏治進士初任武選司較雲貴旗役

冊同官欲盡革之挺規畫數旬存者過半大司馬喜曰

當活萬人矣奉命明邊時總制府卒挺經理肅然忤權

貴出勸遼陽軍屯參政湖藩擢河南布政值寇變甫定
大兵凱歸稿費百出部署悉當與弟劉搏有聯芳集

李瑾字用獻永新人宏治進士官員外郎中任禮部時贊
大喪無違禮逆瑾植權以抗節忤遷曲靖知府卒

張峻字佐堯吉水人宏治鄉舉授深陽知縣改霍邱遷常
州同知有惠政丁內艱服闋常之士民請於朝得仍歸

常歷遷南京刑部員外郎除瓊州知府時黎人叛峻嚴
烽埃謹邊徼民逃入黎者悉詢其罪復其業伐黎平

之撫集賑卹教以禮義作四禮節要令之行呂建書院
講學嘉靖時以監司薦入觀乞致仕卒祀鄉賢

劉恒吉水人宏治進士授吳縣知縣能撫字其民久令上
書安府志 卷十九 人物志 三十一

邑家無錢帛卒從祀鄉賢先是永樂間亦有劉恒官檢
討以清白聞

唐偵永寧人自少刻意經史勤循規矩以貢授漳州訓導
教人先道義士多嚮化居家凡吉凶悉遵家禮為鄉邦

表率卒祀鄉賢以上 志
伍箕安福人正德進士知華州為政平恕民有犯先以理
諭使自愧悔不悛者然後加刑強宗豪猾莫不感服審

戶役均徭賦民食其德通志 卷十九 人物志 三十一
甘公亮字欽采永新人正德進士授刑部主事上疏乞改

南使養在刑曹獄明允時乾清宮災疏陳八事士論
壯之出守惠州罷橋鐵稅攻破賊巢請大吏奏設和平

縣州賴以寧公亮為學沈潛義理而以孝友力踐為宗
有懷金求銘者亮察知其人曰吾雖貧不能為人隸墓

斯者有蓮坪稿南嶽風韻集多錄 志
蕭晚字敬且吉水人正德進士授南刑部主事以持法忤

權貴一日逮治火者徐美為閣高隆所惡遂誣奏待理
尙書李承勳白其冤尋守岳州改瓊州會黎佛二叛殺

官吏據村堡晚設計擒之承治緣里賊薄賓州晚檄兵
據險殲俘其眾籍所捕獲給軍餉出其羨以報督府不

以捷聞益乘勝入南丹八寨招降藍昇等內附田州之
役盧蘇構營督府掩蘇罪蘇益橫以兵營賓州城下聲

言欲見巡按晚曰蘇罪人何敢爾遣千戶持符逮蘇宜
書安府志 卷十九 人物志 三十四

朝廷威德詞色俱厲蘇怖請自贖許之先是岑瑛以思
恩叛瑛誅更置守瑛餘孽名金者潛他境諸故酋挾以

逸我擁眾南寧城外晚謂參將沈希儀曰金在則無思
恩無思恩則廣右必危且其腹心楊留在賓州募兵金

來而留應之尙有賓州子遂定計擒金於柳以功遷廣
西副使歷廣東參政福建左右布政致仕卒贈刑部侍郎

梁朝宗字東之龍泉人正德進士幼穎慧過目成誦年十
六補諸生為督學蔡清李夢陽所拔賞歷任常熟西安

知縣狷介自執所至有聲因上書論事十六條當道忌
之遂拂衣歸所著有泉江小稿蠅蟲集以上 志

劉廷璽字器重安福人正德進士知杞縣入爲御史原按

兩浙閩貴行部部色單車徑往州長吏而下咸敬憚之

李楷字邦正吉水人傳羅洪先之學由鄉舉授湯溪知縣

母報服闋備古田時倭躡東南楷積穀資守禦古田故

無城倭至楷禦於沙埠倭不得渡乃以開築城倭又至

登陣守日殺賊數人倭遁去改知昌樂亦以治行聞

劉泉字應占安福人正德進士選庶吉士陞編修宸濠方

著逆謀泉獨先發其奸激御史蕭淮等劾之世廟繼統

疏陳四事遷湖廣參議即上疏致仕以上通志

歐陽嵩字汝仲泰和人正德進士知福寧州首開東南河

灌田數千頃皆爲沃壤復買田建倉儲租爲疏浚費民

吉安府志 卷三十一 人物志 三十一 十五

享其利盧志

劉紳字士鳳永豐人正德進士官郎中廉靜謙約告病歸

寓居金牛寺甘貧嗜學始終不改其操著有中龍集

周尙化泰和人正德進士知邳州時流賊猖獗尙化預築

土城捍禦賊既逼州議者欲圍門固守尙化曰城外非

吾民耶合城內外居民諭之以義誓共死守賊乃解去

陞南刑部員外以憂去以上通志

黃國用字子忠廬陵人九歲能詩正德九年進士授行人

武宗南巡國用上疏力諫廷杖謫南京國子監學正世

宗卽位復任行人擢御史巡視西城官王仲彬受富

民賄國用竟坐之某國師睥睨公卿疏其不法十事實

於理修撰呂樞進講經筵陳時政得失嚴旨切責逆疏

救解給事中劉最以直諫忤旨遣戍送之出都坐下錦

衣衛獄貶廣東蓮塘驛水移揚州推官陞揚州知府尋

遷貴州按察司提學會事卒祀鄉賢所著有義城文集

彭簪字世望安福人正德鄉舉知衡山縣多惠政移判常

州專務大體攝篆宜與却例供或以爲病後來者簪曰

後令賢必不予非不然吾亦安能以其身預爲不賢者

地改知靖州一月拂袖歸自稱石屋山人與同郡羅洪

先鄉守益日以正學相切劘郡縣長吏莫不式廬請事

居十二年自爲傳志祭文選同志作別沐浴端坐而逝

吉安府志 卷三十一 人物志 三十一 十六

劉秉監一作鑑字遵教宣子正德進士累官刑部員外郎歷

大名兵備副使以忤巨閹逮繫謫判韶州移潮州同知

擢知臨安府初學於湛若水尤篤志王守仁之學卒時

年未五十

尹襄字舜弼永新人舉鄉試第一正德進士歷陞侍講進

司經局洗馬每值經筵意存諷諫一日進講尙書說命

至官不及私昵有旨問講章誰爲者人交屬之襄不爲

動性醜茂事兄袁九謹家問起居未敢草一字卒年四

十三所著有巽峰集

張鐸字振大泰和人以貢授鬱林州同知州故僻陋鐸爲

興學校申教條集諸生講論豐廩給蠲徭役由是人知

勉學有兄弟爭訟者鐸以大義諭解教民墾州南廢地
不取其稅田州人爭地相仇殺鐸宣朝廷恩德與不忍
加兵之意按圖籍使各循其舊眾皆悅服七年遷職京
師歸至郡以疾卒

張鼇山安福人正德進士擢御史請建儲諫迎佛論巡山
海圖章數十上皆經國遠猷督學南畿作人稱盛內艱
歸適宸濠變從王守仁勸王凡檄奏文移多所草創上

龍光字冲虛吉水人由掾為縣丞致仕正德十二年王守

仁開府度南日與士人講學光子履祥從之遊數月歸
循循有法度光喜曰吾乃今知王先生因往見執弟子

禮守仁留為參謀會宸濠反光集田僮百十人以從出

入帷幄密受方畧宸濠既擒嘉靖初論功授直隸滁州
判官歸老於家年八十五卒

楊必進字抑之吉水人正德進士授行人選江南道御史
疏聞人劉喜畢真罪章抵法宸濠難作必進在江上以

鏡緝扼賊舟提督江防都御史顏某聞變宵遁疏奪其
官計擒長江劇盜諭使靖郡賊當貸其命未幾盜復見

擒謂邏卒曰何面目復見楊公皆自死為廣東西僉事
嶺南猖獗憂延兩廣合兵攻古田鳳凰寨三月不下必

進聞獄至其地出壯囚二百人許其自効陰部勒之夜
半篝火自間道入諸囚斧木仰登出寨後焚其巢功上

陞府江兵備副使岑猛之變畏必進且至納金求解必
進佯諾意欲以此釣猛而忌者疑有所泄遂被論去王

守仁胡士寧疏於朝不報

戴冠字仲鶚吉水人正德進士授戶部主事憂國用不足
由於冗食遂慨然論列謂人主貴藏富於天下比年道

瑾所籍財產不歸之有司而儲之約房遂創新庫供御
之物內有監局外有都司不知此庫何所用之疏入上

大怒貶烏石驛丞嘉靖改元起故官仕至提學副使
伍全安福人正德進士河東鹽運使有幹濟嘗與陝大利

害見鹽場掣文強梁坵起懦者被凌轢乃分定車戶派
以三場序以六班魚貫出入眾論翕然

趙澗安福人以官生任姚安知府練達典故丁糧徭役悉
為釐正祭器射圃經理井然嘗銳意開井通鹽利為偏

聽者沮去之日姚人遮道泣送

王貞吉字如悔泰和人正德鄉舉初知平山縣有惠政陞
南京刑部主事轉本部員外晉工部虞衡司郎中出守

廣西潯州時苗酋猖獗郡中鼎沸至則繕城隍修器械
募丁壯嚴賞罰設計殲其渠魁餘以次就撫知南寧亦

勦撫並行論功陞陝西行太僕寺卿提督馬政乞休歸
歐陽席字崇珍泰和人正德進士初授南京工部主事進

郎中分署真州失禮貴顯降禮州判遷夔州同知夔守
常自尊倖以下皆偶坐席獨長揖引疾自免擢雲南

便計安金有功晉廣東按察使有官塔官家乞為已業
從提督府下書案報席不之谷平交阻有功官至福建
布政使

湯克寬字希舉永豐人師事王守仁中正德鄉舉授廣東
興州守興起文學撫按交薦其賢會內艱去起補化州

歷陞雲南僉事致政歸與諸豹等講學祀崖州名宦

張鳳陽字方栢吉水人正德中以貢生赴選陳聖學疏十
條凡萬餘言上嘉納之授廣東臨高知縣居官清廉不

忤刑民調延平府教授倡明楊羅李朱之學六經子史
多所校正後補湖州府教授卒於官祀鄉賢

顧潔萬安人正德間任貴州思南府經歷廉聲籍甚人比

香安府志 卷三十九 人物志 二十九

之周質子嘉謨登第謫曰吾任思南九年三攝府篆歸

里時身無長物惟圖書數卷汝能為周伯虎乎嘉謨守

其訓潔奉贈邵武府知府祀鄉賢

劉道字五山萬安人正德進士任雲南按察司僉事性矜

慎案上常置刑書有疑質之未嘗以非罪寘人時有謠

曰天鼓震雨來有五山者有慎刑錄載會典

吳期英字中順永新人正德進士歷官禮部員外謫同知

六安州改秦州抗中貴辨疑獄進平樂府知府因俗為治

陞思恩知府所著有南溪集案傳原文有六進士孫兵亂王守仁薦其有守孤城之功校與明史廣西土司傳所載不符今故從刪

賀縉字朝卿永新人正德進士授工部主事推職方員外

平郵經理上谷雲中邊備冗冒多所裁抑轉武選郎中時
倖功被破者黃緣權瑞求復縉執議不撓兩抗疏忤旨
陞南儀制中推陝西參議尋卒

陸世文安福人正德進士觀政吏部止時政書改刑部時
錢寧江彬虐焰方熾世文引所勘因此之曰倖不可以

屢徵愆不可以久恃取怨不可斂公議不可犯同事危

之以自怡嚴卒莫能撼武宗南巡抗疏懇留杖幾死時

張百其英袖刃入諫有旨付法司世文力為辯釋錄因

兩浙多平反陞四川副使卒

劉夢詩字子正永新人正德進士授刑部主事發摘姦伏

時有莫犯小劉之語大為南巡抗疏乞留不下改南工

部主事督造戰艦逆藩之變卒賴之起艱轉刑部郎陞

兗州知府威德並著遷河東運使劉革積弊國計以饒

著有三遊小記

李相字鏡石吉水人正德進士授南京刑部主事累遷北

京刑部郎以才名出守汀州有惠政左遷知泗州改靖

州上官薦其能擢廣西按察司僉事勅法平奸政聲赫

然致仕歸

周仲字東泉吉水人正德鄉舉知漳浦縣以廉能稱決獄

明慎改建學宮集多士朝夕訓課科名遂盛民立祠以

祀遷兗州通判致仕卒祀鄉賢

王昂字成德吉水人舉鄉試第一授常州判常本上郡昂

以稅逼京師却餽金鉅萬又清詭稅三萬餘畝故事自糧止供內府忽吏部有言昂引故事力爭令運者假春杵部前聲達堂署桂夢見而止之擢刑部員外轉郎中主諸司讞奏每與尙書議賢面爭遷河南兵備僉事劇盜高龍王朝綱等攻掠州縣昂遣嵩山毛兵千餘人擒之昂素具冰鑑在常識唐順之薛應旂等九人在汝則識王西星皆爲世名人

劉本用字汝玉安福人正德進士由郎署出守漢陽嘗擒渠盜省商稅清吏奸自奉無重篋諸所餽贖盡謝去致仕歸

王一鵬字北岡安福人正德鄉舉初授湖廣黃州通判清

苦自勵陞廣西平樂同知剔奸息訟賑饑靖寇尤加意

士領年少而貧一鵬課之署中經紀其婚娶後登進士會

張庶安福人正德進士授晉江知縣晉江素尙告許勢豪

挾制官府前令率曲意徇之庶一繩以法陞同知彰德

許侍御督戎事甚嚴庶以去就爭之許亦惕然復委清

李儼字民望永新人正德進士授行人疏諫南巡忤旨杖

真御史稱之乞終養遂不復起居鄉傲行監田部約率里人講學務實行卒祀於社

胡寅命字立之廬陵人正德舉人初任廣東高要縣遷廣

西古田能化獺以德禮調福建龍巖加意子惠民立祠

以祀林龍岡摘稿補

彭與志泰和人從安福劉霖講理學嘗開義塾訓宗族子

弟爲萬安訓導以尙書言事擢香山縣丞祀鄉賢府舊志人

表物

郭宏化字子弼安福人嘉靖二年進士除江寧一作知縣

清王府所占民田補虛糧徵授御史巡按貴州劾去鎮

守參將不職者兩平劇盜賜璽書金幣十一年冬彗星

見上言按天文志井居東方其宿爲木今者彗出於井

由土木繁興所致臣聞四川湖廣貴州江西浙江山西

及真定諸府之採木者勞苦萬狀應天蘇松常鎮五府

方有造甄之役窰戶逃亡過半而廣東以採珠之故徵

民爲盜攻劫會城請悉停罷則彗滅而前星耀矣戶部

尙書許讚等請聽宏化言帝怒其讚等附和黜宏化爲

民久之言官會薦報寢卒於家穆宗立贈光祿少卿參

曾存仁字懋遠吉水人嘉靖進士授禮部主事會建世廟

光祿丞何淵上議請由太廟道東出而達世廟存仁言

毀太廟垣亭剪代文皇帝所植松柏震驚列聖之靈非

達孝忤旨輒救釋尋引疾歸起精膳主客郎遷浙江參

議分守浙東中官崔成督視開礦擾民痛抑之成怒具

奏

奏速詔獄調福建參議推廣西參政時兵士歲約以之
而輸廣東者且萬金存仁請緩外輸以給兵食已復舉
左右江屯田萬餘畝贖質縣餘田二千畝用贖以饒富
州與猶獠爲鄰行部率不至存仁躬臨教以耕作畜牧
建學置生徒課之詩書歷陞雲南布政使國沐朝輔專
擅威福藩臬二司陪祀二王廟其禮踰制存仁曰吾知
本聖書此外不敢少徇沐知不可奪銜之尋致仕歸

劉逢禮泰和人嘉靖進士知慈谿縣明達善斷庭無留獄
有婦與所私殺其子反以賊殺求治逢禮察婦無賊容
訊得其情置之法同郡諸縣以慈谿無山稅請均逢禮

口山已採茶入貢故寬上供尺土耳如稅當平等茶貢
請均之諸縣語塞與諸生講南軒慈湖之學大暢厥旨
仕終太僕少卿

劉方興字東望吉水人嘉靖鄉舉授平樂推官平樂當西
粵孔道逼逼猺賊郡守謝政興視篆當道以戎務獄賦
相繩經畫裕如上官徵郡芳膠興曰酒非令甲所當賦
者持不與郡有死囚以一犯誣抵四命又有誤殺人者
首犯亡去罪坐旁人俱廉得其狀白兩冤賀縣猶獠時
出暴掠興署賀盡心調劑大兵至分哨戰守糧餉舟楫
咸具賊首陳公輔逃入九疑誤傳匿姜城村總兵監軍
欲屠之興固爭得全謝病歸家居講道年八十卒所著

有開中隨筆

曾祚字汝誠泰和人嘉靖進士授光澤知縣時王守仁講
學越中祚取道往受業在閩多善政調宰婺源開紫陽
書院修章齋祠報最擢吏科陞兵部都給事上疏作貴
溪相下錦衣獄尋放還家居三十餘年隆慶初言路以
忤名薦不果召所著有太平邊策及延誦錄詩文四卷

郭汝霖字時望永豐人嘉靖進士官吏科給事上平倭十
事又上疏極論時務奉璽書封琉球王饋馬蹏金不受
督修通州灣城議者謂非二十萬不可汝霖費止三萬
有奇工竣詔陞俸二級以南太常卿乞歸

郭應奎字致祥泰和人嘉靖進士授禮科給事以建言謫
霍邱丞歷陞工部郎中移守嘉興罷諸浮竄不便民者
引疾乞歸不待命解印綬去家食三十年七薦不起倡
建萃和書院日夕講學其中

蕭祥曜泰和人嘉靖中爲御史上幸承天疏論留守輔臣
顧鼎臣未踰月引用門生親友吳崑田刑部主事調吏
部侍郎張潮爲夫曹而阿輔臣主事吳崑方筮仕而趨
權貴乞黜吳崑罷顧鼎臣張潮爲徇私用人者戒時上
方優遇宰輔置不問獨以無故劾官詰吏部蕭御史之
名遂振一時晉園多故山西巡察缺難其代者祥曜請
往與疾以行次阜城卒

蕭縉字文遠吉水人嘉靖鄉舉授楚雄推官矢志清白日

飯脫粟攝鹽司銀鹽二官却例金有暉丞獲重譴以律

函重金進縉覺而還之轉賓州同知赤石巖部蠻為亂

縉諭令獻渠魁牛馬兵器以明不反因上條議四口設

郡捕開社學立達市通鹽路以其地屬流官行之遂為

治地改永州有里役四人為逃甲誘殺於山谷告者踵

至郡守以為誣縉固爭之不聽乃密遣東安令導行山

谷中見羣鴉悲鳴掘之果得四人屍逃甲抵死遇恩晉

中憲大夫年八十三卒

周啓字演與吉水人嘉靖鄉舉任海寧教諭課諸生藝身

程之舉義賑貧擢青田令青田故多逋賦啓措置有方

流移皆復立鄉約保甲法副以教化縣太治青田賦自

明初劉基以帷幄臣得減輕有江同知者量田請濕處

一則整援故事力請於臺使者得報可請老歸年七十

九卒以上

顏鑰字子啟永新人以鄉舉授山東在平教諭在平士鮮

問學鑰誘以治心理性之方遠近翁從縣人張後覺師

事之卒為名儒擢知新城縣改枝江後歸與弟鐸日以

講學善俗相勵明史

鄒濂字子濬永豐人滄州守夢祺子嘉靖三十二年進士

授行人司改給事時閩廣山寇猖獗濂條議時政五事

上多採納會奉命使汴藩歸省值母病侍湯藥濂汚泥

賢

垢凡病瘵濂親為調劑同卧起者五月舉千金產讓二

弟

歐陽烈字懋之泰和人嘉靖鄉舉授松陽安邱二縣學教

諭擢工部主事督建蘆溝橋進虞衡員外郎修治河道

築堤通漕遷高州守平賦役謹旱澇釋繫囚薄追贖招

逋亡白冤獄製藥濟病輯禮齊民習俗翁然不變後從

子餘慶復守是郡者民猶述其德政著有格菴文集

王如瓚字子薦泰和人嘉靖鄉舉任淮安同知尋改蘇州

先後却倭寇解常熟之圍奏太倉之捷進工部郎中出

守廉州省徭役剔奸蠹清田丈修學宮比歸做廬數椽

服御飲食若布衣所著有星圖別錄讀史纂要子一乾

隆慶進士歷官浙江布政終應天府尹亦以清介著

周子恭字欽之吉水人少與羅洪先師事李中嘉靖間以

歲貢授永州通判楚大饑臺省遣糴萬金子恭執不可

比再至移通郡在官之食以應分授其直纔六千金上

不逆令下不病農人服其敏遷德安同知丁外艱起補

鄒陽未任卒以上

周賢宣字仲含萬安人嘉靖進士授繕部主事榷稅革弊

商民稱利忤中貴出為延平守擢海道副使會倭寇逼

城宣帥師敗賊於漳浦陞右布政會有修卻者假拾遺

劾罷之歸日與郡諸子講求師說以啟迪為己任祀鄉

賢

宏德萬安人嘉靖鄉舉知臨武縣有浮糧千餘石
為民害宏德修其利勸聞於朝竟從輕減民免於累
安寧知州

劉三錫字以懷廣陵人嘉靖鄉舉知永春縣遭寇亂後三
錫首詢民瘼深自節約革除常例署篆晉江永春民有
訟皆赴愬焉愛歸行李蕭然士民遮送立去思碑記名
官服闋補東安陞泉州府判

胡堯時字子中泰和人嘉靖進士歷官貴州按察使嘗師
事王守仁謂職在刑名宜先教化以躬行為人土倡修
陽明書院凡陽明著作在貴陽者悉刊行之

劉文紹字文澤安福人嘉靖進士歷官永定縣守
清嚴廣學舍興水利輕徭賦賑饑擒王滿賊平李占
春之亂六年乞休歸

蕭文清廬陵人嘉靖鄉舉授柳州守發倉賑災築堤種柳
號為木城歲大旱文清步禱一日夢有鬼持幡招風暫
視祠中土偶如夢中鬼因手碎之毀其祠雨乃降

龍遂字良卿永新人嘉靖進士為給事中忤嚴嵩謫外稍
遷漳州同知清戎理餉稍有不政黃絲人呼為龍青天
陞貴州僉事飭兵思南思南人畏服之遂以德化民生
致苗首吳黑於理事間賜金帛尋罷歸卒祀鄉賢帝川
祀名宦

鍾紐字子鈞永豐人嘉靖鄉舉歷涇信宜天台三縣
知縣十年不得調恬澹自如卒於官貧不能治喪太守
為棺衾殮之縣人士以詩哭之曰孝追乃祖應同儔廉
到無錢可買棺紐為恭愍同之孫故云

朱翰字水人嘉靖鄉舉任南京監察御史有激揚風
力知南寧府政不瑣屑務持大體興學右文振作士氣
屬縣有弊政悉釐革之

王有仁字延化廬陵人嘉靖進士初任合肥歷涪州守為
政尚寬平嚴治盜賊所在立祠祀之著有瑞鶴亭稿

胡永成字思貞安福人嘉靖進士知涇縣賑荒得法擢刑
部主事歷知南雄府恤虛賦折輕齋減力役斥曠官稿
關權稅清介嚴明時詔召民驚受僧田所司督促永成
曰民固貧乃強責其受僧田非情也郡人欲析嶺路永
成條六議難之事得寢晉廣東副使卒於官

莫揚字子充廬陵人嘉靖進士知江夏丈田釐剔姦弊賦
役悉平又力行條漏法民永賴之

蕭樟字國材永新人出進士除知莆田改四會平擒寇陞
刑部主事適大禮議興援古以破羣論疏奏不報伏闕
請旨杖瀕死改治南曹斷獄不遵貴勢時稱鐵漢嘗建
言五事又上言李何從祀尋遷曲靖守所著有秋山集

張敬元字應貞龍泉人嘉靖鄉舉知山東滕縣有惠政權

南京御史隆慶萬曆間先後章疏數十上皆人所不敢

言者請罷湖口新廠一疏尤為世傳誦出備兵漳南拂

衣歸所著有務本錄及奏疏宗範宗譜參通志

王宗尹字商甫泰和人嘉靖鄉舉通判杭州攝篆錢塘歲

凶貨粟發賑或勸其引嫌宗尹曰吾為民救死安計毀

譽已果有嫉之者調永州轉知荆門州棄官歸通志

劉則唐字欽甫廬陵人弱冠時父一泉為丞誅吏誣逮獄

并收則唐乃草書數千言上郡守守奇其才皆釋之後

與於鄉官通城教訓擢桂東縣丞艱服闋補廣濟所

至以廉介稱祝廣濟名宦廣志

胡文宗廬陵人嘉靖鄉舉通判廬州陞泉州同知值歲旱

徒跣禱雨躬行賑恤每鞫訟推至誠以論釋之不干貴

勢假歸遂不復出通志

陳慶字履旋永豐人御史衡孫嘉靖進士拜行人陞刑科

給事劾奏操江不職按撫輝省刑緩賦會歲大祲賑救

多所存活陞浙江溫處兵備時倭寇閩界逼溫處二州

慶親督矢石為將士倡又密度水陸險夷積芻儲粟市

馬益艦倭擁眾至策諸軍夾攻獲輜重俘千二百餘人

捷聞擢山東按察使歷陞粵西左布政使晉大常寺卿

特疏申明職掌修寺志未幾以疾歸

蘇州教授陞國子博士以道義為表率士皆慕服在蘇

學居宅有池蓮一莖雙葩周天球紀其事

薛靜字子安永豐人弱冠從子弱冠登第宰丹徒擢給諫以

言事謫丞平丞陞國子助教會北兵薄都城從大臣守

北門所言多中機宜陞兵曹主事轉儀部郎洛職家居

嘉靖四十年流寇其旁郡縣人惶惑無措靜除器械兵

嚴號令頓防守賊至營城西七日城得完皆其力云

伍典字惇夫廬陵人七歲能詩嘉靖鄉舉嘗從羅洪先遊

研精性學歷官工部營繕司員外郎修重城建行毀請

御河隄岸以石易版陸屯田司郎中擢守永昌時納夷

倡亂郡城晝閉典至城門洞開仍嚴為攻守兵民心又

安宜撫司頭目岳鳳謀奪司印撫夷同知請誅鳳典謂

跡未露而遽加兵是激之使變也監司然其言夷遂服

憂歸服闋補廣西潯州政化大行假還年七十有五以上

張秩字以敬安福人早遊羅洪先門日駁駿於學問嘗曰

吾身雖在樊籠吾心未嘗一日不在雷巖洞壑間也登

嘉靖進士改庶吉士以檢討充經筵展書官預修世廟

實錄進編修以內艱歸尋卒參通志

彭汝成字子玉廬陵人嘉靖鄉舉授浙江壽昌知縣湖州

馮道上婦妖術至壽昌境汝成爲文詆城隍妖就滅縣

達銀礦礦徒持戟為賊汝成走二卒持文諭改遷知山
東平度州民剝祭多連負流徙為鑛積賦資以牛犢歸
者滿萬戶立均徭法酌貧富析為九等一州稱平隸左
軍都督府經歷改中軍隆慶改元應詔言西事遷顯天
府治中終南京工部員外郎

劉欽命字吾亭廬陵人嘉靖鄉舉授開縣教諭遷漳浦知
縣時倭寇犯境欽築城郭植暴兩圮乃立祠以禦令富
家飯饑民以銷山叛身官矢石三至而三却之遷知均
州均舊有中官魏元岳祀事作成福欽執法不少假端
銜之誣奏逮獄旋詔釋遷判大邑內艱除遷平度州興
學敷教益著政務致仕歸年八十四卒

蕭敷字汝教廬陵人嘉靖鄉舉授四川巴縣知縣巨室豪
右多軌法敷約之以禮民有不便條上除之郡坐民盜
主守錢數雪株累者百數十人三殿災徵材蜀中敷令

貧民出力富民出財別募商經紀大府下諸郡通行調
楚鄒陽瀏陽故苦積連嚴禁主保民得自納轉漕者詭
舟敗為更小艇歷諸險而後入潛弊遂塞撤新學官以
培人文休官歸以子近高貴贈工部左侍郎

蕭宏魯廬陵人嘉靖初知儋州修社學招生黎附籍在任
七載以廉能著陸金華府同知

趙格字文淵安福人嘉靖進士授行人歷給事中山西布
政司參政尋落職出為温州推官稍遷南兵部主事復

以參政報罷初為行人奉使趙藩不受餽遺任科道疏
數十上多見施行後以劾徽州知府語連都御史劉自
強忌者多方誣毀遂罷歸

王士俊字伯選安福人嘉靖進士授刑部主事歷員外郎
出守泉州時黠寇王崇化橫行海上士俊募義勇平之
歲旱請發廩賑饑復為民築留公破灌田數十萬頃民
為立生祠命急毀之艱歸以鄒守益講學東山有東山
語錄卒祀名宦鄉賢弟士任嘉靖鄉舉字長東別水州
俱有惠政孫松以鄉舉任天官人尚長者

劉尚平字國章安福人嘉靖鄉舉官工部主事居官謹飭
直指按江西與尚平有舊訖所徵言會有誣問尚平者
平亦不以告謝政歸杜跡公府夜有盜入其室家人囑
其子乃族某也密召其人還所盜物仍以其半與之所
著有象峰集

楊海字汝容泰和人士奇嘒子森嘉靖進士觀政刑曹日
讀律不厭應大司寇試同官多倚吏海必身親其職業
也平居究心理學發明紫陽窮理格物之旨為當時所
重

易寬安福人嘉靖進士歷任儀曹時太廟災奉旨會議寬
斟酌古制以高皇同堂異室之規為成憲疏五六上議
乃定隍四川提學副使卒於官

王學孔字魯卿安福人嘉靖進士授松江府推官母憂服

關松江人請補原任考最陞刑部主事執法中員下
錦衣獄論貴藩都司經歷同知長沙遷知嘉興時運歲
旱蝗課民捕治易以粟雨沛蝗息歲大稔清狂殺淫
祠吏爲育才館進秀士優養之遷湖廣副使飭兵襄陽
致政歸與兄太宰學夔皆著英年八十有二卒

周汝員字冷塘吉水人嘉靖進士授行人選河南道御史
元輔張守敬居鄉暴橫汝員疏劾之守敬許其典試有
私汝員疏辨盡發守敬不法事同籍聽勘陞福建巡海
副使罷歸汝員嘗與弟文矩受學于守仁著有文集行
世

賀鏞字邦器大新人登進士由大理寺正任嶺南兵備兼
市案庫志

事勦羅山寇有功遷副使會兩廣盜熾鏞帥兵扼其歸
路首慈航擒再招參政潮寇張連復大燭鏞內佐籌策

外總兵餉不遑寢食疾卒詔追論其績贈光祿寺卿

歐有孚字聖山永新人嘉靖進士任廣東韶州通判清橋
稅節賦役多所釐革攝合源汝源篆召諸生講業置田

俸餘羅山盜剽橫建攝集議旋聞擢鄭州守錫驛遷復

宗滿侵壤比歸以社法糾里族所著有韶城集管城集

辛壬錄著疑錄

史羽字見屏永新人嘉靖進士授知縣擢刑部主事謝汝
稱平出知衢州府會舉循良詔居首補大理府陞雲貴

副使任滿歸卒祀鄉賢

劉憲字春峯萬安人嘉靖鄉舉歷官刑部員外郎中出守
湖廣常德適三歲災採木令下憲躬陟山岫度木材有
無以實應詔不以累民擢兩浙都轉運使時大臣奉命
出總鹽課諸路供帳甚盛憲不爲屈遷山東都轉運使
商集課增再陞浙江參政謝病歸

蕭賜字小石萬安人嘉靖鄉舉授將樂教諭清謹自愛不
受廩費分俸周貧士縣尚巫病不事醫喪不知葬賜不
禁治諸巫俗爲之變陞湖廣零陵知縣革奸舉善詩以
疾歸

劉汝翔萬安人嘉靖鄉舉從王守仁學知福建大埔縣陞
溫州同知與同官衛承芳論十漢冰菓自持有一堂四
清之誦馳名宦

周奎字粟齋萬安人嘉靖進士知宣城縣率士講大誥民
無犯法歲饑賑恤有方病卒士民立廟祀之祀鄉賢

劉天兌字可貞萬安人嘉靖鄉舉授湖廣邵陽知縣屢決
疑獄編里甲均徭役修學校逐禁鬪楚風改革陞廣東

德慶州

李琳字朝貢安福人居母喪廬墓三年服闋舉於鄉署繁

昌敘事捐俸周給寒士陞翰林孔日出倅處州攝麗水
篆境內多虎患琳爲文告城隍虎去不爲害歲饑斥俸

設糜粥以賑卒於官

郭鵬字小村萬安人嘉靖貢生歷景陵訓導肝貽教諭